

समे .1815

Headlines

- 1 गृहमंत्री अमित शाह होरें जम्मू कश्मीर च असैंबली चुनाएं दे बाद राज्य दा दर्जा ब्हाल करने दा जकीन दोआया ऐ। शाह होरें जम्मू दे पलौड़ा च चुनावी रैली गी संबोधत कीता।
- 2 प्रदेश च असैंबली चुनाएं दे दुए गेड़ लेई दाखल नामांकन पत्रेंच । 267 दुरुस्त नामांकन न ते 62 नामांकन पत्रें गी खारज करी दित्ता गेआ ऐ।
- 3 चुनां विभाग नै प्रदेश च आदर्श आचार संहिता दी उल्लंघना लेई 9 एफआईआर दर्ज कीतियां न।
- 4 प्रधानमंत्री नरेन्द्र मोदी होरें आखेआ ऐ जे शिक्षक राष्ट्र दी बड़ी महत्वपूर्ण सेवा करै करदे न।
- 5 पैरिस ओलंपिक च भारती खडारिएं दा शानदार प्रदर्शन बरोबर जारी ऐ। भारत नै अजें तोड़ी कुल 27 तगमें अपने नां करी लैते दे न।

पैह्ला गेड़ 18 सितम्बर गी ऐ। कल गृहमंत्री होरें पार्टी दे लीडरें कन्नै गल्लबात कीती ते चुनावी धोषणा पत्र दा निवारण कीता।

<><><><><><><>

Congress Charge Sheet

जम्मू कश्मीर च असैंबली चुनावें शा पैहले कांग्रेस पार्टी नै इक आरोप पत्र जारी कीता ऐ जेह्दे च बीजेपी पर कथित तौर पर प्रदेश दे लोकें दी अवाज दबाने दा आरोप लाया गेआ ऐ। कांग्रेस दे महासचिव जयराम रमेश होरें सोशल मीडिया मंच एक्स पर एह् करोप पत्र सांझा कीता जेह्दे च आखेआ गेआ ऐ जे केन्द्र सरकार नै लोकें आस्सेआ नेई चुने गेदे इक लेफ्टिनेंट गवर्नर गी जम्मू कश्मीर च नियुक्त कीते दा ऐ ते उसी सब्बै अख्तियार देई दित्ते दे न। इस दस्तावेज च एह् दावा बन्नेआ गेदा ऐ जे जम्मू कश्मीर च लोकें दी अवाज गी दबाया जा'रदा ऐ ते वायदें दे बावजूद बी प्रदेश दे लोकें गी राज्य दा दर्जा वापस नेई दित्ता जा करदा ऐ ते उंदे नै दुए दर्जे दे नागरिकें आला लेखा बवहार कीता जा'रदा ऐ। कांग्रेस नै एह् बी दावा कीता ऐ जे जम्मू कश्मीर च जमीनें, संसाधनें ते नौकरिणें दी बंड बाहरै दे लोकें गी कीती जा'रदी ऐ जिसलै के मकामी लोकें गी मैहगाई, बड़े मते टैक्सें, पानी दी

कमी, बिजली दी माड़ी सप्लाई ते स्मार्ट मीटरें राएं बड़े मते बिलें दी मार झल्लनी पवै करदी ऐ। कांग्रेस नै दोष लाया ऐ जे मुख्य च सब्बने शा मती बेरोजगारी दी दर दे मामले च जम्मू कश्मीर दुए नंबरै पर ऐ।

<><><><><><><>

Omar-BJP

नैशनल कांफ्रेंस दे नेता ते जम्मू कश्मीर दे साबका मुख्यमंत्री उमर अब्दुल्ला होरें उनें पार्टिं पर शैंका जाहर कीती जेड़ियां कश्मीर च बीजेपी कन्नै गठबंधन बनाने आलियां न। उनें इनें पार्टिं च अल्ताफ बुखारी हुंदी अपनी पार्टी दी मिसाल दिक्ती। उनें गलाया जे उनें गी नेई लगदा जे जम्मू कश्मीर दे खास करियै कश्मीर दे लोक कुसै ऐसी पार्टी कन्नै जांगन, जेहड़ी बीजेपी कन्नै जुड़ी दी ऐ। बीजेपी—नैशनल कांफ्रेंस दे पराने गठबंधन पर गल्ल करदे होई उनें आखेआ जे बीजेपी दी इसलै दी रौंह वाजपेयी सरकारै दी रौंह कोला बक्ख ऐ। उनें एह बी आखेआ जे इसलै दी बीजेपी उस बीजेपी कोला बक्ख ऐ जेहड़ी इंसानियत, जमूरियत ते कश्मीरियत दी गल्ल करदी ही। उमर होरें गलाया जे किश उंदी

पार्टी जम्मू कश्मीर आस्तै चांहदी ऐ ते जे किश बीजेपी इत्थुं लेई चांहदी ऐ ओह्दा कोई बी तालमेल नेई ऐ ।

<><><><><><><>

Nominations

जम्मू कश्मीर च दुए गेड़ दे असैंबली चुनाएं लेई मेदवारें आस्सेआ दाखल नामजदगी आले कागदें-पत्रें दी जांच दे बाद 267 नामजदगिएं गी दरूस्त पाया गेआ ऐ जिसलै के 62 नामजदगियां खारज बी करी दित्तियां गेइयां न। आकाशवाणी दे जम्मू संवाददाता मूजब जम्मू संभाग दे 3 जिलें ते कश्मीर घाटी दे बी त्र जिलें-यानि प्रदेश दे कुल 6एं जिलें दे 26 असैंबली हल्कें लेई कुल 329 नामांकन हासल होए हे। नामांकन दाखल करने दी खीरी तरीक 5 सितम्बर ही ते मेदवार औंदे सोमवार तगर अपने नामांकन परताई सकदे न। इस गेड़ लेई मतदान 25 सितम्बर गी होग। प्रदेश च चुनाएं दी तरीक नेड़े औने दे कन्नै गै सियासी गतिविधियां बी तेज होई गेइयां न ते मेदवार ते स्टार प्रचारक मतदाताएं गी अपने पक्ख च करने लेई रैलियां ते जलसे करै करदे न।

<><><><><><><>

Nomination Udhampur(byte)

उधमपुर हल्के दे बीजेपी मेदवार पवन गुप्ता होरें केन्द्री मंत्री डॉ. जितेन्द्र सिंह हुंदी मजूदगी च अपना नामांकन दर्ज कीता। साबका मंत्री पवन गुप्ता होरें जिले दे रिटर्निंग अधिकारी असिस्टेंट कमीशनर रेविनयु हुंदे समक्ष एह नामांकन दर्ज कीता। डीडीसी चेयरमैन लाल चंद होर बी मेदवार हुंदे नै उत्थें शामिल हे। एहदे शा पैहले पवन गुप्ता होरें शैहरे दे बक्ख—बक्ख हिस्से थमां जलूस कड्डेआ। एहदे परैत एह जलूस सुभाष स्टेडियम च पुज्जियै लोक बैठक च बदली गेआ, जेहदा संबोधन डॉ. जितेन्द्र सिंह होरें कीता।

<><><><><><><>

ECI

आदर्श अचार संहिता दी खलाफवर्जी करने आले खलाफ कारवाई करदे होई चुनां मैहकमे नै 9 एफआईआर दर्ज कीतियां न, 5 सरकारी मलाजमें गी मुअत्तल कीता ऐ, 23 मामलें च चेतावनी जारी कीती ऐ ते 48 मामलें च इन्क्वायरी यानि पुच्छ—गिच्छ शुरू करी दित्ती ऐ। इस बारे जारी इक ब्यानै च मुख् चुनां अधिकारी हुंदे दफ्तरै आखेआ ऐ जे समूलचे केन्द्र शासत प्रदेश च 16 अगस्त गी आदर्श अचार संहिता लागू होने दे बाद थमां एहदी खलाफवर्जी

दिएं 96 शकैतां हासल होइयां हियां। जिदें चा 53 सरकारी मलाजमें खलाफ, 2 मीडिया कर्मिएं खलाफ ते 24 होरने लोकें दे खलाफ हियां। इंदे चा 89 शकैतां बेबुनियाद पाइयां गेइयां हियां।

<><><><><><><>

SVEEP Samba(byte)

सांबा जिले च स्वीप दे हेठ बड्डे पैमाने उप्पर बन्ने आले इलाकें पर उत्थुं दे जिला चुनां अधिकारी राजेश शर्मा ते चुनावी खर्चे सरबंधी निगरान होरें मैराथॉन दा आयोजन कीता। इस मैराथॉन च ज्हारें लोकें हिस्सा लैता जेहूदे च विद्यार्थी, शिक्षक, जिला अधिकारी, बीएसएफ दे जुआन, पुलस दे कर्मी ते मकामी लोक शामिल हे। मैराथॉन मुक्कने पर एहूदे च जित्तने आलें गी इनाम बी थोए। स्वीप दी इस बड्डे पैमाने पर कीती गेदी पैहलकदमी च सारे जिला अधिकारी शामिल हे। एहूदा मकसद लोकें गी खास करियै बन्ने आले इलाकें च रौहने आले लोकें गी मतदान करने आस्तै प्रेरित करना हा।

<><><><><><><>

PM-Teachers

प्रधानमंत्री नरेन्द्र मोदी होरें आखेआ ऐ जे शिक्षक, राष्ट्र दी बड़ी महत्वपूर्ण सेवा करै करदे न ते अज्जै दे युवाएं गी विकसित भारत लेई तैआर करने दी जिम्मेदारी शिक्षकें दे हत्थें च ऐ। कल नमीं दिल्ली च अपनी सरकारी कोठी च राष्ट्री शिक्षक पुरस्कार कन्ने सम्मानित शिक्षकें कन्ने गल्लबात च श्री मोदी होरें आखेआ जे असें सब्बनें गी विकसित भारत लेई सक्षम—नागरिक ते नोजवान तैआर करने दे जतन करने लोड़चदे न। मोदी होरें आखेआ जे शिक्षकें गी लोड़चदा ऐ जे ओह भारत दी बन्न—सबन्नता कन्नै वाकफ करोआने लेई विद्यार्थिं गी शैक्षिक पयर्टन पर लेइयै जान तां जे उनेंगी किश नमां सिक्खने ते देसै बारे जानने दा मौका मिले। प्रधानमंत्री होरें सुझाह दित्ता जे शिक्षक विद्यार्थिं गी बक्ख—बक्ख भाषाएं च लोक कथाएं दे बारे च जानकारी देई सकदे न तां जे ओह केई भाषां सिक्खन ते भारत दी जीवंत संस्कृति कन्नै बी वाकफ होई सकन।

<><><><><><>

Ganesh Chaturthi

गणेश चतुर्थी दा ध्यार अज्ज पूरे देश च धार्मिक श्रद्धा ते उत्साह कन्नै मनाया जा'रदा ऐ। एह ध्याड़ा भगवान गणेश ज्ञान, समृद्धि ते सोभाग्य दे प्रतीक न। विनायक चतुर्थी जां गणेश चतुर्थी 10एं दिनें तगर चलने आले उत्सव दी शुरूआत ऐ, जिस दरान लोक अपने घरें च भगवान गणेश हुंदी मिट्टी दियां मूर्तियां विराजमान करदे न ते उंदी पूजा करदे न। एह ध्यार महाराष्ट्र च खास तौरे पर मनाया जंदा ऐ, एत्थें दे लोक इस ध्याड़े गी बड़े गै उल्लास कन्ने मनांदे न। राष्ट्रपति द्रौपदी मुर्मू, उपराष्ट्रपति जगदीप धनखड़ ते प्रधानमंत्री नरेन्द्र मोदी होरें बी इस ध्यार लेई मुख्य भरै दे लोकें गी शुभकामनां दित्तियां।

<><><><><><>

Paan Poonch(byte)

पुंछ जिले च कश्मीरी पंडित समुदाय आस्सेआ अज्ज पान जिसी द्रुवड़ी बी आखेआ जंदा ऐ, एह घ्याड़ा मनाया गेआ। इस समुदाय दे लोक अपने अपने घरें च एह ध्याड़ा मनाया। इक कश्मीरी पंडित महिला विपूषी होरें साढ़े आकाशवाणी दे जिला संवाददाता हुंदे कन्नै गल्ल करदे होई आखेआ जे एह ध्याड़ा कश्मीरी पंडित

समुदाय आस्सेआ किश खास-खास दिनें पर मनाया जंदा ऐ। उनें गलाया जे ओह पैहले मिट्ठी रूट्ठी जिसी रूट्ट आखेआ जंदा ऐ ओह बनांदे न ते ओहदे बाद गै रिती-रिवाज कन्नै पूजा करदे न।

<><><><><><><>

Seasonal Fish Seed(byte)

मच्छी विभाग दे संयुक्त निदेशक मंजूर अहमद होरें अज्ज रंजीत साबर डैम जलाराय च बक्ख-बक्ख किस्में दे मच्छी बीज दा वार्षिक भंडार जारी कीता। इस मौके पर इंडियन मेजर कार्पस यानि आईएमसी दियां बक्ख-बक्ख किस्में दे मच्छी बीज आंदे गे। जेहदे च रोहू, म्रिगल, कैटला, सिलवर कार्य समेत होर किस्मां शामिल न। इस भंडार च तकरीबन 10 लक्ख किस्में दी मच्छियां आंदियां गेइयां।

<><><><><><><>

Shrine Board(byte)

पैरिस पैरालंपिक च शीतल देवी ते राकेश कुमार हुंदी उपलब्धि भलेयां गैर ममूली ऐ। इनें दौनें गी कटड़ा दे श्री माता वैष्णो देवी स्पोर्ट्स कंपलेक्स च ट्रेन कीता गेआ हा ते इंदी जित्त कन्नै नां छड़ा जम्मू कश्मीर दा सगुआं पूरे हिंदोस्तान दा नां रोशन होआ

ऐ। मिक्स्ट टीम कंपाउंड ओपन तीरांदाजी आले समारोह च कैह
दा तगमा हासल करियै इनें दौनें तीरांदाजे भारत दे खेड्ड
इतिहास दा अपना नां दर्ज कीता। एहदे कन्नै एह दवै जम्मू
कश्मीर थमां ओलंपिक्स तगमें जित्तने आले पैहले खडारी बनें
इंदी जित्त मुश्कल परिस्थितिएं पर मनुक्खी भावना ते दृढ़ संकल्प
दी विजय गी दर्शादी ऐ। शीतल देवी ते राकेश कुमार हुंदा
पैरालंपिक दा सफर उंदी अनत्रुट दृढ़ विश्वास ते जनून गी दर्शादा
ऐ। राकेश कुमार होर रियासी जिले दे कटड़ा इलाके दे 39 ब'रें
दे एथलीट न। जिने 2010 च इक शिड़क हादसे च लकवा मारी
गेआ हा। श्री माता वैष्णो देवी श्राइन बोर्ड कटड़ा दे सीईओ अंशुल
गर्ग होरें

<><><><><><>